

Kalendari i lutjes “Ngritja e Kampionëve” Mars 2020

1. Të jetojmë jetën e krishterë – Zot Jezus, e kuptoj që është e pamundur për mua ta shpëtoj veten, dhe aq më pak ta jetoj jetën e krishterë me forcat e mia. Por, me ty o Zot, asgjë nuk është e pamundur. Zot Jezus, ti ke bërë të mundur shpëtimin. Dhe vetëm ti mund ta jetosh jetën e krishterë. Prandaj, të besoj ty ta jetosh jetën e krishterë përmes meje. (Mat. 19:26)
2. Perëndia është i patundshëm – I dashur Zot, të gjitha themelet njerëzore po shemben. Por, ti o I Plotfuqishmi Zot je i pathyeshmi dhe i patundshmi. Prandaj, unë do ta ndërtoj jetën time mbi ty. Falemnderit Zot Jezus që je themeli im i patundur! (Ps. 11:3-4)
3. Shpëtimi përmes kryqit – O Zot, unë erdha në këtë botë si një mëkatar i zakonshëm, i papastër, por përmes vdekjes së Krishtit në kryq, unë jam pastruar nga të gjitha padrejtësitë. Tani, duke të pranuar ty, jam një krijesë e re në Krishtin. Falemnderit që më përtërin dhe nuk jam më një mëkatar, por një shenjtor! (Veprave 10:15, 28)
4. Hir për të jetuar – Zot i dashur, kur pranova Jezus Krishtin si Shpëtimtarin tim nuk e kisha idenë që më ishte dhënë hiri për të jetuar. Prandaj, u përpoqa sa munda të jetoja jetën e krishterë, por vura re që vetëm dështoja keqasi. Tani pendohem. Të lutem më ndihmo të mbështetem tek hyjnia jote duke më aftësuar të të besoj plotësisht ty. (2 Kor. 6:1)
5. Lutemi për jetë të ndryshuara – Ata që abuzojnë me alkolin apo me substanca të tjera kanë efekte shkatërruese tek familjet e tyre.

Lutuni për burrat që kanë rënë në këto kurthe të kërkojnë Perëndinë për drejtim dhe shërim. (Efes. 5:18)

6. Lutemi për një zemër të pastër – Burrat në mënyrë të gabuar shpesh mendojnë se mund të shohin pornografi dhe të nderojnë ende shtratin martesor. Lutuni që burrat të pendohen nga ky mëkat dhe të nderojnë Zotin dhe gratë e rinisë së tyre. (1 Kor. 6:18)

7. Përdoni fjalë ndërtuese – “Kush flet pa mend është si ai që shpon me shpatë” (Fjalët e Urta. 12:18). Lutuni që etërit të mos u flasin ashpër fëmijëve të tyre por të përdorin fjalë ndërtuese.

8. Ji një paqebërës – Argumentat mund të çojnë në fjalë të rënda dhe vendime për të cilat pendohesh. Lutuni që etërit që janë të larguar nga fëmijët të kërkojnë pajtim të përlulur me ta. (Luka 15:20)

9. Sille stresin tënd tek Jezusi – Presionet në punë dhe konfliktet e lidhura me to shpesh krijojnë ankth tek burrat që mund të ndikojë marrëdhëniet me familjet e tyre. Lutuni për bashkëshortët dhe etërit të modelojnë si të marrin ngushëllim nga Zoti në kohë stresi (Psa. 94:19)

10. Ec me Perëndinë – Tek Zanafilla 5, ne lexojmë një deklaratë të thjeshtë por të thellë shpirtërore për Enokun, atin e Methuselahun: “Enoku eci me Perëndinë.” (Zan.5:22). Lutuni që e njëjta gjë të thuhet edhe për ju, kur një ditë jeta juaj në këtë tokë do të përfundojë.

11. Kërkoni mbretërinë e Perëndisë – Ndërsa presim me zell për ditën kur Zoti do të vijë, ne duhet të përpiqemi ta përdorim kohën për lavdinë e tij – dhe për shpëtimin e njerëzve të tjerë. Lutuni

që Perëndia do t’ju ndihmojë të kërkoni së pari mbretërinë e tij. (Mat. 6:33)

12. Paçi një mendje misioni – Miliona njerëz po jetojnë në errësirë shpirtërore, pa asnjë mundësi për të dëgjuar ungjillin të shpallet. Grupe të tëra njerëzish ende konsiderohen të paarritura. Lutuni për efektshmëri për organizatat që synojnë të arrijnë skajin e botës me lajmin e mirë. (Mat. 28:18-20)

13. Jini të disponueshëm – Lutuni që Zoti do t’ju përdorë si të dërguarit e tij dhe që ju do të keni sukses në sjelljen e lajmit të mirë tek familjarët tuaj dhe njerëzit e tjerë në kohën e duhur. (Isaia. 52:7)

14. Bëni një vend për Jezusin – Kur Jezus Krishti u lind në këtë botë si një qenie njerëzore, ai u refuzua nga shumë njerëz. Por, lavdi Zotit që atyre që besojnë në Jezusin ai u jep të drejtën të bëhen bij të Perëndisë (Gjoni 1:12). Falenderojeni Perëndinë dhe lavdëroni emrin e tij të shenjtë.

15. Le të sundojë paqja – Paqja e vërtetë duket se është një element që mungon në jetën e shumë burrave. Lutuni që si burra të gjejnë paqen tonë në marrëdhënien me Zotin dhe ta jetojmë atë në jetën tonë familjare. (Rom. 5:1)

16. Mbajeni mendjen të fokusuar – Shumë shpërqëndrime konkurojnë për mendjen e burrave. Lutuni që burrat do të mësojnë disiplinën e mbajtjes së mendjes së tyre të fokusuar tek Zoti, në mënyrë që të kenë paqen e tij të përkryer. (Isaia. 26:3-4)

17. Mendoni para se të veproni – Meditimi është një art i humbur sot, por një art që mund ta rifitojmë. Lutuni për burra që të kapen pas

disiplinave shpirtërore si meditimi dhe si rezultat të përjetojnë prezencën e paqes që i shoqëron. (Fil. 4:6-8)

18. Lejojeni Jezusin të sundojë – Jezusi është Princi i Paqes. Lutuni që ne si burra do t'ia dorëzojmë mbretërinë tonë të mishit Zotit të Paqes, i cili do ta ujisi tokën e tharë të shpirtrave tanë me paqen e tij. (Fil. 4:6-7)

19. Kultivoni zakone të shenjta – Si burra të Perëndisë, ne jemi thirrur të jemi burra paqeje. Lutuni që ne do të kultivojmë zakonet e shenjtë të kërkimit të Zotit dhe të mbushjes me Frymën që sjell paqe në ne dhe përmes nesh. (Gal. 5:22)

20. Më mbro nga hamendësimi – At, ti më ke paralajmëruar kundra të folurës së pakujdesshme. Të thirrrem prej teje për të shërbyer si pastor, mësues, prind ose dishepull është një përgjegjësi e jashtëzakonshme. E kuptoj që nuk do të gjykojem jo vetëm sipas jetës time personale, por edhe sipas asaj që u mësoj të tjerëve me fjalë apo shembull. (Jakobi 3:1-2)

21. Ruaj mendimet dhe të folurën time – Meqë gjithmonë mësoj, jo vetëm kur jam në një ndërtesë kishe, por edhe në shtëpinë time ose në komunitetin tim, të lutem bëj që mos i jap pushim rojes së gojës time. (Jakobi 3:9-10)

22. Më ruaj nga plogështia – Kur pregatisim predikimet dhe planet e mësimit, gjithashtu edhe gjatë bisedave informale, rrënjos në mua një zemër me zell dhe integritet. Më ndihmo gjithashtu t'i zbatoj këto mësimet në jetën time para se të qëndroj si përfaqësuesi yt, duke e lënë integritetin tim dhe besueshmërinë tënde të hetohet nga të tjerët. (1 Kor. 9:27)

23. Kërkoni këshilla të urta – At, dua të rritem në urtësi të perëndishme dhe në kuptim që të çojnë në prodhimin e një jete të mirë dhe që tregohet nga veprat e kryera me përulësi. (Jakobi 3:17-18)

24. Refuzoni urtësinë e botës – Më ndihmo të dalloj dhe të refuzoj urtësinë e botës që shtyhet nga ligësia e hidhur dhe ambicjet egoiste që kanë vërtetuar se janë demonike. Kjo sjell një të korra të çrregullta dhe praktika të liga. (Jakobi 3:14-16)

25. Përqafoji dallimin – Më ndihmo të përqafoj urtësinë e perëndishme që është e pastër, paqedashëse, e nënshtruar, plot me mëshirë dhe me fryte të mira, e paanshme dhe e sinqertë. Kjo prodhon një të korrë drejtësie. (Jakobi 3:17-18)

26. Mos hiq dorë – Nëse jeton nën stres, duke përfshirë këtu kërkesat e larta në vendin e punës dhe një betejë për të përmbushur afatet, mos hiq dorë. Lutuni që Zoti t'ju mbartë përmes kësaj kohe dhe falenderojeni atë që është me ju. “Perëndia është për ne një streh dhe një forcë, një ndihmë gjithnjë e gatshme në fatkeqësi” (Ps. 46:1).

27. Besojini Zotit – Për shkak se grupet ekstremiste dhe qeveritë kërcënojnë paqen në botë, frika dhe pasiguritë kanë mbërthyer shoqërinë tonë. Por, si fëmijë i Perëndisë, ti e di se kush e ka fjalën e fundit. Lutu me besim sepse Zoti kujdeset për nevojat e tua. “Prandaj ne nuk do të kemi frikë edhe sikur toka të luajë dhe malet të hidhen në mes të detit,” (Psa. 46:2).

28. Një strehë e sigurt në fatkeqësi – Sot, sipas organizatës “Open Doors”, 260 milion të krishterë përballen me persekutimin për shkak të besimit të tyre. Lutjuni Zotit t'i fshehë këta besimtarë në

prezencën e tij dhe t'u japë atyre përvojën e dashurisë së tij të patundur. “Është një lumë brigjet e të cilit mbushin me gëzim qytetin e Perëndisë, vendin e shenjtë ku banon shumë i Larti” (Ps. 46:4).

29. Perëndia është besnik – Shumë herë ne nuk e kuptojmë se pse Zoti i lejon vuajtjet dhe dhimbjet. Lutuni që të mos jeni të paduruar dhe të mos mëkatoni përmes mosbesimit. Përkundrazi, besojini Zotit, pavarsisht se çfarë ndodh, dhe prisni për të, ta zbulojë veten në kohën e duhur. “Perëndia është në mes të tij, ai nuk do të luajë nga vendi; Perëndia do ta ndihmojë në dritat e para të mëngjesit.” (Ps. 46:5).

30. Perëndia ynë sundon – Si burra, jemi të prirur t'i zgjidhim problemet përmes iniciativave dhe forcës tonë. Edhe të krishterët tundohen t'i përjashtojnë zgjidhjet afatgjata që të vijnë vetëm nga përpjekjet njerëzore. Lutuni për dallim dhe të kuptoni që Perëndia drejton fatin e botës. “Kombet do të ziejnë, mbretëritë do të tronditen; ai dërgoi jashtë zërin e tij, toka u shkri.” (Ps. 46:6).

31. Ndaluni dhe pranoni – Burra, ne jetojmë në një botë të zënë. Mjete të pafundme komunikimi dhe shumë zëra të lartë luftojnë për të tërhequr vëmendjen tonë. Lutuni për urtësi që të zgjidhni prioritetet tuaja dhe të lejoni vlerat e mbretërisë së Perëndisë t'ju drejtojnë. Kujtoni përgjegjësitë tuaja si një burrë, si një bashkëshort, si një at, si një dishepull i Jezusit. Dhe pastaj “Ndaluni dhe pranoni që jam Perëndi” (Ps. 46:10).